

Mitgliedschaft

Daten fehlen

In *Esperanto aktuell* 2006/3 gratulieren wir den langjährigen Mitgliedern des Deutschen Esperanto-Bundes. Nicht wenige Mitglieder werden ihre Namen in der Liste vermisst haben. Dies trifft insbesondere für Mitglieder zu, die über die Esperanto-Gruppen des Kulturbundes der DDR schon Mitglied in GDREA waren.

Bei einigen Mitgliedern wurde das Eintrittsjahr entsprechend der Mitgliedschaft in GDREA eingetragen, für andere wurde 1991 als Eintrittsjahr erfasst.

Wenn Sie Ihren Namen in der Liste in *Esperanto aktuell* 2006/3 vermissen oder die Dauer Ihrer Mitgliedschaft falsch angegeben ist, teilen Sie mir dies bitte mit, damit ich die Informationen in der Datenbank ändern kann.

Jörg Gersonde
joerg.gersonde@esperanto.de

Vizito en Gora

La vizito en nia pola ĝemelurbo Gora (Malsupra Silezio) estis tre sukcesa. Tri personoj el Herzberg kaj du el Northeim vizitis la partnerurbon okaze de amikeca renkontiĝo. La urbestro Tadeusz Wrotkowski kore salutis la partoprenintojn kaj substrekis la gravecon de la neŭtrala lingvo Esperanto. Venis gastoj el multaj polaj urboj kaj el aliaj germanaj urboj. Pli ol 30 gelnantoj ne nur kantis en Esperanto por la partoprenantoj de la Esperanto-renkontiĝo sed ankaŭ koncertis publike sursceneje ĉe la sportplaco en la urba festo, kiun partoprenis centoj da urbanoj. En nia ĝemelurbo estas nun regula kaj aktiva Esperanto-agado kun kelkaj surlokaj kursoj.

Interkultura Centro Herzberg

Blinduloj ĉefkunveno

La 1an kaj 2an de julio 2006 okazis en Mündersbach la ĉefkunveno de „Esperantoblindenverband Deutschlands e. V.“ kun novelektoj. En la nova estraro estas Theodor Speckmann, Köln, kiel

prezidanto; Ursula Heiden, Kiel, kiel dua estraranino; Manfred Herrmann, Hof, kiel kasisto; Heinz-Peter Engels, Saarbrücken, kiel unua sekretario kaj Bruno Bleier, Karlsruhe, kiel dua sekretario. La balotadon gvidis Natalia Kasymova.

La partoprenantoj decidis plifortigi la varbadon pere de niaj surkasedaj gazetoj. Temas pri la revuoj *Esperanto*, *Monato* kaj *Esperanto aktuell* (la lasta surkasede legita de nia amiko Hermann Bermann). Ankaŭ la brajlpresitaj gazetoj (La Blinda Esperantisto de Germanio, legata en 24 landoj; kaj EL (Esperanta Ligilo), internacia gazeto de LIBE, legata en 51 landoj, estas tre bona varbmateriale por ni. Nia kunlaborado kun niaj amikoj en Aŭstrio, Nederlando, Italio kaj Ĉeĥio estas bone evoluigita. Nun ni esperas, ke ni gajnos novajn membrojn.

Manfred Herrmann

Superrigardo pri landaj ligoj

Dum la Germana Esperanto-Kongreso en Brunsviko mi proponis, ke ni kreu konstantan supervidon pri la situacio en la landaj ligoj kaj memstaraj grupoj. Jen mia propono por listigi la datojn:

- 1) nomo de la societo,
- 2) ĉu agas estraro, kiu estas prezidanto, adresoj ktp.,
- 3) kiel agas estraro, protokoloj, informoj, elektoj,
- 4) membroprizorgado, konstanta aktualigado, kiuj datoj,
- 5) membrototizoj, kiel oni kolektas, kiom, kiuj servoj,
- 6) per kiuj metodoj vi kolektadas novajn geamikojn,
- 7) ĉu ekzistas landa informilo? se jes: nomo, rete, papere, amplekso, kvanto,
- 8) landaj renkontoj, temo,
- 9) regulaj internaciaj kunvenoj,
- 10) ĉu vi havas retpaĝojn, nomo,
- 11) publika agado per amaskomunikiloj,
- 12) kunlaborado kun ne-Esperanto-asocioj
- 13) kunlaboro kun loka administrado,
- 14) ĝemela kunlaboro kun eksterlandaj rondoĵoj,

15) kiel vi solvas internajn kverelojn? Do, nur estas skizo de kurantaj, ĉiutage solvendaj problemoj. Plej mi ŝatus diskuton kun la agantoj de la baza (landa) movado.

Werner Pfennig
www.esperanto-nb.de

Aktivecoj en Herzberg post la 83a GEK

Post la GEK en Brunsviko la litova muzikgrupo Asorti koncertis en la kavalira salono de la kastelo Herzberg. Ĉeestis preskaŭ 50 personoj, inter ili la urbestro. Krom tri kantoj en la rusa kaj litova lingvoj ili kantis en Esperanto. La junulo de la grupo pruvis sian talenton kiel elstara violonisto. Longan aplaŭdon ili ricevis – kaj meritis. Belsona muziko estas bona varbilo por Esperanto.

Esperanto-rozoj floras en la ĝardeno de GEC/ICH en Herzberg.

De la urbo Herzberg ni nun ricevis senkotizan arkivejon (renovigita subtegmentoetaĝo) en la malnova urbodomo de Herzberg. Tie ni deponos informbudojn, ekspozicimaterialojn, Esperanto-gazetojn kaj aliajn materialojn. Cetere nia antaŭa kunlaboranto Uwe Weidehaus nun laboras ĉe la urbodomo por Esperanto-aktivecoj.

Do, krom la oficejo kun biblioteko en Grubenhagen strato 6 nun ekzistas dua Esperanto-loko en Herzberg.

Je la 10a kaj 11a de junio ni havis informtablon okaze de “Spectaculum” (historia festo en la loka kastelo). Dum la du tagoj ni informis la gastojn pri Esperanto, disdonis centojn da varbiloj kaj alvokis por Esperanto-lernado (retkursoj kaj surlokaj eblecoj). Ni lasis stoketon da varbiloj ankaŭ ĉe la plejmulto de la vendejoj kaj kafejoj en la ĉefstrato de Herzberg.

Inter 16a kaj la 18a de junio la 30a studsesio (sub gvido de Alois Eder pri tradukado por nia esperantlingva Vikipedio) bone sukcesis.

Sabatvespere okazis je la 27a fojo la tradicia kradrostadfestoj en la bela Harco-vilaĝo Lonau apud Herzberg. Fotojn vi povas vidi ĉe: http://www.fotos.web.de/interkultura-centro/E-rozo_kaj_informado

ICH